

Quale l'averia pensata ! L'invasione di tanti arnesi cummunicativi, di tanti linguaghji novi chì si sò lampati in un paese avezzu à u ritimu tradiziunale è à i modi fissi di a cummunicazione à bocca, eccuti à certi chi a volenu fà andà à ghjuvone di un'oralità nova è oghjinca pè a Corsica. Si trattà, pè dilla à l'accorta, di ammaestrà a cummunicazione sana è di permette a spreSSIONE individuale cù i strumenti è e tecniche chi un sianu più solu quelli di una volta. Impusessassine in lingua corsa è à prò di a lingua è di a cultura corsa ci hè parsu a cundizione minima di un'integrazione più riesciuta è chi puderia rompe u disequilibriu diglossicu chi impone à a lingua dumminata di campà mischina in a so chjostra.

Da risponde è e dumande più generale, avemu ritenutu cinque LABURATORII DI SPRESSIONE E' DI CUMMUNICAZIONE :

- Lettura è scrittura : Ghjuvanni CHIORBOLI - Ghjorghju de ZERBI
- Linguaghji literarii : Ghjacumu THIERS - Dumenicantone GERONIMI
- Arricchiscimentu lessicale : Ghjermana de ZERBI - Ghjacumu THIERS
- Presa di parolla è animazione di gruppu : Ghjuvanpetru ORSONI
- Linguaghji audiuvisivi : Dumenicu GAMBINI

Di sicuru, in cusi pocu tempu ùn si pudia sperà di dà una vera furmazione, tantu più chi i stazianti, bramosi di cumnosce l'attività di ogni laburatoriu, ùn sò stati à bastanza in listessu locu, à scavà una tecnica, un linguaghju.

Fendu riflessu à issa spèrienza ci pare oghje chi issa amparera à tempu nuziunale è pratica devi andà strettu strettu cù a furmazione propriu linguistica. Cusi omu si puderia avvicinà à pocu à pocu da una spreSSIONE chi tenga u spaziu sanu di a realtà corsa d'oghje.

Lingua corsa ! Parchi ci faci strazià tantu ?
Parchi un colli schietta è linda par sprima a sciäppitana, o a sciuma in tondu à i petri di u fiume, o a musica di u viulunu è di a cetera ? Ti appiatti ? Sogu, un voli addunis-
ciati chè cù quiddu chi, lingua lingua, aghjuinghji u to esse ; ma tradita, a to scelta hè di smari in un votu sacru luntanu da u fracassu umanu, luntanu supratuttu da l'omini ch'è tu un ricunnosci più corsi ?

Una studianti